

本书出版得到国家古籍整理出版专项经费资助

清代吏治史料

续
紫
書
局

官員銓選史料 二

清代吏治史料

綫裝書局



戶部左侍郎署理蘄州巡撫印務仍兼管清查錢糧事加三級臣王璣謹
題為詳請酌調繁簡等事該臣看得淮安府屬之山陽縣係臨河首邑衝
事繁鎮江府屬之丹徒縣亦係附郭首縣旂民雜處繁劇全在辦理
得人今見任丹徒縣知縣張廷煌雖居官素稱勤慎山陽縣知縣程廷儀
亦能黽勉辦公但俱非理繁治劇之材查有鹽城縣知縣孫蔭孫雖到任
未及一載而諸事勤敏頗有循聲安東縣知縣蔡璠辦事明爽請以孫蔭
孫調補丹徒縣知縣蔡璠調補山陽縣知縣其鹽城縣缺雖屬沿海然較
之徒邑事簡即以張廷煌調補其安東縣缺即以程廷儀調補一轉移間
而於吏治民生均有裨益再查程廷儀孫蔭孫俱係試用之員到任未滿
一年應否准其調補實授抑或仍以按署計算前後日期俟年滿之日另
行

題請實授至蔡璠程廷儀孫蔭孫引

見未滿三年毋庸再行送部引

見張廷煌今已滿三年如蒙

皇上俞允調補例應給咨送部引

引
見但目下正值清查造冊之際難以乏員料理請俟清查事竣之後再行給咨

見臣等未敢擅便謹

題請

旨雍正七年七月十一日題閏七月初二日奉

旨該部議奏

經筵講官太子太保保和殿大學士兼管吏部戶部尚書事加二級臣張廷玉等謹

題爲補授主事事查雍正六年八月內據戶部咨稱各部額外主事一年期滿例應咨送吏部銓補實授查雍正五年進士分派戶部額外主事潘安禮石襲曾阿克寬陳奇芳等四員到部分司辦事已經一年有餘均屬勤慎稱職遇有臣部主事缺出按伊等甲第名次補用等因摺

奏奉

旨依議欽此欽遵移咨在案查各部額外主事遇有缺出臣部具題實授除戶部額外主事潘安禮石襲曾已經實授阿克寬奉

旨補授山西平定州知州外今出有戶部江南司主事一缺應俟次將奏明年滿稱職之額外主事陳奇芳實授可也恭候

命下臣部遵奉施行臣等未敢擅便謹

題請

旨雍正七年閏七月初一日題本月初三日奉
旨陳奇芳依擬用

經筵講官太子太保保和殿大學士兼管吏部戶部尚書事加二級臣張
廷玉等謹

題為補授中允事該臣等議得右春坊右中允顧仔補授翰林院侍講學士
員缺准詹事府會同翰林院通共論俸將應陞人員咨送前來應照咨送
開列具

題恭候

皇上簡用臣等未敢擅便謹

題請

旨

計開

應陞官員

翰林院編脩薄海順天進士

編脩陳治滋福建進士

檢討徐學柄江南進士

日講官起居注編脩崔紀山西進士

編脩張夢徵江南進士廣東正主考

編脩習窩江南進士湖南學差

日講官起居注編脩吳家驥浙江進士

檢討楊椿江南進士

檢討卿悅廣西進士

編脩吳應榮浙江進士

編脩李天龍福建進士

編脩鄒升恒江南進士

檢討嚴文在江南進士

編脩楊廷勸福建進士

檢討曹涵順天進士料理水利事務

日講官起居注編脩戴瀚江南進士福建學差

編脩錢陳羣浙江進士

湖南正主考

日講官起居注編脩張廷璩江南進士

日講官起居注編脩馬金門山東進士

編脩嚴民法浙江進士

廣東副主考

雍正七年閏七月初一日題本月初三日奉

旨戴瀚補授右春坊右中允

經筵講官太子太保保和殿大學士兼管吏部戶部尚書事加二級臣張廷玉等謹

題為補授翰林官員事該臣等議得翰林院侍讀王蘭生補授侍讀學士員

缺准翰林院會同詹事府通共論俸將應陞人員咨送南書房題請開列具

題恭候

皇上簡用臣等未敢擅便謹

題請

旨

計開

應陞官員

日講官起居注左春坊左贊善許王猷浙江進士

右春坊右贊善彭廷訓江西進士

國子監司業勵宗萬直隸進士山西學差

雍正七年閏七月初一日題本月初三日奉

旨勵宗萬補授翰林院侍讀

巡撫雲南兼建昌畢節等處地方贊理軍務兼督川貴兵餉都察院右副都御史加一級紀錄三次降一級留任又降一級留任又降一級留任又加二級駐劄雲南府臣沈廷正謹

題為欽奉

上諭事該臣看得滇省地處邊遠凡選授教職往還曠缺遲久荷蒙

聖恩令部開列銓法截發本省遇缺按月具

題挨次選用欽遵在案茲據布政使張允隨詳稱雍正七年四月分所出教

職六缺應以楊紹震等選授詳請具

題等因前來臣覆查無異除照例彙冊送部外所有雍正七年四月分所出

各缺遵照銓法選授緣由臣謹具

題謹題請

旨雍正七年六月二十一日題閣七月初三日奉

旨該部議奏

巡撫雲南兼建昌畢節等處地方贊理軍務兼督川貴兵餉都察院右副都御史加一級紀錄三次降一級留任又降一級留任又降一級留任又加二級駐劄雲南府臣沈廷正謹

題為欽奉

上諭事該臣看得滇省地處遼遠凡選授教職往返曠缺遲久荷蒙

聖恩令部開列銓法截發本省遇缺按月具

題族次選用欽遵在案茲據布政使張允隨詳稱雍正七年五月分所出教

職三缺應以李偕等選補詳請具

題前來臣覆查無異除冊送部外臣謹具

題謹題請

旨雍正七年六月二十一日題閏七月初三日奉

旨該部議奏

內閣學士兼禮部侍郎署理江西巡撫印務加一級臣張坦麟謹

題為抗糧積弊等事該臣看得曹俊傑奉

旨命往江西試用隨經前撫臣布蘭泰將該員

題請委署南安府南康縣給與知縣俸試用奉

旨俞允准部咨覆在案今查該員自雍正六年五月十八日到任至雍正七年

五月十八日試用一載案牘並無遲悞錢糧亦無逋欠洵屬循分供職之

員茲據布政使李蘭等會詳前來臣覆加察驗無異相應具

題請將曹俊實授南康縣知縣以觀後效臣謹會疏請

旨雍正七年七月初八日題開七月初三日奉

旨該部議奏

經筵講官太子太保保和殿大學士兼官吏部戶部尚書事加二級臣張廷玉等謹

題為補授員外郎等官事該臣等議得工部員外郎蔣泰員缺論係掣籤將禮部堂主事正黃旗傳寧擬正其陪不得應擬之人宗人府滿字堂主事于德員缺掣籤將軍前効力議叙以應陞之缺先用候補筆帖式西安銀藍旗魏黑岱擬補兵部司主事布顏圖員缺掣籤將軍前効力議叙以應陞之缺先用候補筆帖式西安銀藍旗馬歷善擬補臣等未敢擅便謹

題請

旨雍正七年閏七月初二日題本月初四日奉

旨傳寧著補授工部員外郎魏黑岱馬歷善著以西安防禦補用其宗人府兵部主事員缺著歸於月分銓選

經筵講官太子太保保和殿大學士兼管吏部戶部尚書事加二級臣張廷玉等謹

題為請

旨事該臣等議得四川巡撫憲德疏稱雍正七年三月分出有巴州學正一缺忠州訓導一缺蘆山縣訓導一缺將改回四川遇有缺出即行補用之現任正安州學正郭垣補授巴州學正現任正安州訓導余家麒補授忠州訓導現任仁懷縣訓導謝景莊補授蘆山縣訓導再梓潼縣訓導員缺因改歸川省訓導人員不敷補用遵於截發人員內挨次擬選另題等因前來查雍正六年四月內臣部議覆浙江總督李衛題請教職人員咨部補用彙題一疏奉

旨嗣後補用教職着每月一次具題永着為例欽此再查四川遵義府改黔省官轄經巡撫憲德咨明遵義府所屬教職自應黔省人員銓補其正安州現任學正郭垣等俟本省缺出補用等因在案今巴州學正等缺該撫既

稱改回四川過缺郎補之郭垣等補授等語應如所請將現任正安州學正郭垣准其補授巴州學政現任正安州訓導余家麒准其補授忠州訓導現任仁懷縣訓導謝景莊准其補授蘆山縣訓導仍將到任日期報部註冊其梓潼縣訓導員缺該撫既稱改歸川省訓導人員不敷補用於截發人員內挨次擬選等語亦應如所請於截發人員內挨次擬選可也恭候

命下 臣部遵奉施行臣等未敢擅便謹

題請

旨雍正七年閏七月初二日題本月初四日奉

旨郭垣等依議補授餘依議